

Ugovorne strane:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa, ministar Admir Katica, (u daljem tekstu: Ugovorni organ) i

Javno preduzeće za prostorno planiranje i uređenje grada Zenica d.o.o. Zenica, ulica Mehmedalije Tarabara br, 15, ID broj 4218080080000, koje zastupa v.d. direktora Hajrija Karadarević, dipl.ing.građ (daljem tekstu: Dobavljač)

zaključili su:

UGOVOR za nabavku projektantskih usluga

Član 1.

Predmet ugovora je nabavka projektantskih usluga za potrebe Ministarstva unutrašnjih poslova Kantona Sarajevo koje se odnose na usluge izrade tehničke dokumentacije - izrada izvedbenih detalja na dogradnji objekta Policijske stanice Novi Grad (detalji na spoju novog objekta dogradnje sa postojećim objektom PS, podna i krovna konstrukcija - prva faza).

Nabavka je izvršena putem direktnog sporazuma, na osnovu Odluke broj 04-1-11-4-16607/24 od 02.04.2024. godine.

Ugovor se zaključuje u skladu Ponudom Dobavljača broj 03-1-2050/24-1 od 06.03.2024. godine i sastavni je dio ovog Ugovora.

Član 2.

Ukupna vrijednost ovog Ugovora, bez PDV-a iznosi 1.000,00 KM (jednahiljada i 00/100 KM)

Član 3.

Projektantske usluge iz člana 1. ovog Ugovora će se izvršiti na zahtjev Ugovornog organa, a u roku od 15 dana od pismenog zahtjeva.

Za projektantske usluge, Dobavljač je u obavezi da vrši koordinaciju i konsultacije, kako sa Ugovornim organom tako i sa Izvođačem radova na pomenutoj lokaciji.

Dobavljač se obavezuje da ugovorenu uslugu izvrši u svemu prema propisima, standardima i normama kvaliteta koji važe za vrstu usluga koje su predmet nabavke i da izmjenu projekta temelja uskladi sa svim ostalim dijelovima projektne dokumentacije.

Član 4.

Ugovorni organ će ugovorenu cijenu plaćati u roku od 15 dana od dostavljanja fakture i izvršenja usluga, odnosno dostavljanja projektne dokumentacije za predmetni projekat. Projektna dokumentacija, potpisana i ovjerena od strane ovlaštenih lica Dobavljača, se dostavlja na adresu Sjedišta Ministarstva i biće ustupljena Zavodu za izgradnju Kantona Sarajevo, koji je imanovan kao Nadzorni organ na projektu dogradnje i Izvođaču radova.

Član 5.

Dobavljač se obavezuje da će pružati usluge u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka. Ugovorni organ će utvrditi razuman rok za ispravku.

Član 6.

Ukoliko nakon zaključivanja ovog Ugovora nastupe okolnosti koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Sva, eventualno sporna pitanja rješavat će se dogovorom, štiteći obostrane interese.
U slučaju nemogućnosti zajedničkog rješenja eventualno nastalog spora, spor će rješavati nadležni sud u Sarajevu.

Član 8.

Ovaj Ugovor stupa na snagu danom potpisivanja ovlaštenih predstavnika i traje do realizacije ugovorenog iznosa u 2024. godini.

Član 9.


Ovaj ugovor izrađen je u četiri istovjetna primjerka, od kojih po dva zadržava svaka strana.

DOBAVLJAČ
Javno preduzeće za prostorno planiranje i
uređenje grada Zenica d.o.o.

v.d. direktora, Hajrija Karadarević

Broj: 03-1-3348/24

Dana: 09.04.2024



Broj: 04-1-4-16607-1/24

Dana: 02.04.2024. godine